



Broj: 101-1-3099/23

Datum: 3.10.2023. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14 i 59/22), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 180-3098/23 od 2.10.2023. godine, rektorica Univerziteta „Džemal Bijedić“ u Mostaru, donosi

## ODLUKU

### o izboru najpovoljnijeg ponuđača u postupku nabavke „Nabavka mrežne opreme za Studentski dom Antalija Univerziteta 'Džemal Bijedić' u Mostaru“

#### I

Prihvata se preporuka Komisije za javnu nabavku u postupku javne nabavke mrežne opreme za Studentski dom Antalija Univerziteta „Džemal Bijedić“ u Mostaru, broj: 180-3098/23 od 2.10.2023. godine i Ugovor za javnu nabavku u predmetnom postupku se dodjeljuje ponuđaču „FIXIT“ d.o.o. Sarajevo, ponuda broj: 290923/MF001-T od 29.9.2023. godine.

#### II

Ugovor za javnu nabavku dodjeljuje se ponuđaču iz tačke I ove Odluke, sa ukupnom cijenom u iznosu od 16.400,00 KM bez PDV-a.

#### III

Izabrani ponuđač je dužan da u roku od 5 (pet) dana od dana prijema ove Odluke dostavi originale ili ovjerene kopije dokumentacije o ispunjavanju uslova lične sposobnosti iz člana 45. Zakona o javnim nabavkama, a u skladu sa tačkom 15. Tenderske dokumentacije.

Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, Ugovorni organ će dostaviti prijedlog Ugovora drugorangiranom ponuđaču, u skladu sa članom 72. stav (3) Zakona o javnim nabavkama BiH.

#### IV

Prijedlog Ugovora o nabavci dostavit će se na potpis odabranom ponuđaču nakon isteka roka od 10 dana, od dana prijema Odluke Ugovornog organa o izboru najpovoljnijeg ponuđača.

#### V

Plaćanje odabranom dobavljaču vrši se iz sredstava Univerziteta „Džemal Bijedić“ u Mostaru, u skladu sa uslovima iz Ugovora.

#### VI

Ova Odluka objavljuje se na web stranici Univerziteta, [www.unmo.ba](http://www.unmo.ba) istovremeno sa upućivanjem obavještenja ponuđačima koji su učestvovali u postupku javne nabavke, u skladu





sa članom 70. stav 6) Zakona o javnim nabavkama („Službeni glasnik BiH“, broj: 39/14 i 59/22).

## VII

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14 i 59/22).

### Obrazloženje

Odlukom broj: 101-1-2915/23 od 18.9.2023. godine pokrenut je postupak javne nabavke mrežne opreme za Studentski dom Antalija Univerziteta „Džemal Bijedić“ u Mostaru. Komisija za provođenje postupka javne nabavke imenovana je Odlukom broj: 101-1-2916/23 od 18.9.2023. godine. Predmetna nabavka provedena je putem konkurentskog zahtjeva za dostavu ponuda. Shodno Odluci o pokretanju nabavke procijenjena vrijednost nabavke bez PDV-a iznosi 20.000,00 KM.

Obavještenje o nabavci broj: 66-7-1-34-3-25/23 objavljeno je na portalu javnih nabavki dana 18.9.2023. godine i u Službenom glasniku BiH, broj: 65 od 22.9.2023. godine.

U skladu sa Tenderskom dokumentacijom i obavještenjem o nabavci dana 29.9.2023. godine sa početkom u 10:15 sati održano je javno otvaranje ponuda.

U predviđenom roku za prijem ponuda (29.9.2023. godine do 10:00 sati) zaprimljene su 2 (dvije) ponude kako slijedi:

	Broj protokola	Naziv/ime ponuđača (šifra)	Datum i sat prijema
1.	180-3063/23	FIXIT d.o.o.	29.9.2023. godine u 08:30 sati
2.	180-3062/23	NET d.o.o.	29.9.2023. godine u 08:45 sati

Komisija je izvršila pregled, analizu i ocjenu traženih i dostavljenih dokumenata na osnovu kojih se utvrđuje postoje li razlozi isključenja ponuđača, kao i analitički prikaz traženih i dostavljenih dokumenata u svrhu ispunjavanja svih uslova shodno tenderskoj dokumentaciji, kao i analizu ponuda vezano za ispunjenje zahtjeva u pogledu opisa predmeta nabavke i obrasca za cijenu ponude.

**Nakon izvršenog pregleda ponuda Komisija je jednoglasno konstatovala sljedeće:**

**Ponuda ponuđača „FIXIT d.o.o.“ je kompletna i prihvatljiva** i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te je utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

**Ukupna cijena ponude iznosi 20.000,00 KM bez PDV-a. Ponuđač nije dao popust na cijenu.**

**Ponuda ponuđača „NET d.o.o.“ je kompletna i prihvatljiva** i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te je utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije. **Ukupna cijena ponude iznosi 19.994,00 KM bez PDV-a. Ponuđač nije dao popust na cijenu.**





Nakon provedenog postupka e-aukcije, u skladu sa Izveštajem o toku i završetku e-aukcije, utvrđena je konačna rang lista ponuđača kako slijedi:

1. **FIXIT d.o.o.** s ukupnom cijenom ponude u iznosu od 16.400,00 KM bez PDV-a,
2. **NET d.o.o.** s ukupnom cijenom ponude u iznosu od 16.500,00 KM bez PDV-a.

Shodno svemu naprijed navedenom Komisija je jednoglasno ocijenila da je ponuda ponuđača „FIXIT“ d.o.o. sa ukupnom cijenom ponude u iznosu od 16.400,00 KM bez PDV-a najpovoljnija, a u skladu sa postavljenim kriterijem najniža cijena, te jednoglasno predložila da se u nabavci predmetnih roba ugovor dodijeli ponuđaču „FIXIT“ d.o.o. Sarajevo.

**Ovom Odlukom prihvaćen je prijedlog Komisije.** U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 5 (pet) dana od dana prijema ove Odluke, u pisanoj formi u tri primjerka.

REKTORICA



prof. dr. Alena Huseinbegović

**Prilog:**

1. Zapisnik o pregledu i ocjeni ponuda

**Dostaviti:**

1. Ponuđaču: FIXIT d.o.o.
2. Ponuđaču: NET d.o.o.
3. Arhiva javnih nabavki
4. a/a